



DOCUMENTO:

MEMORIA FUNCIONAL

ACTUACIÓN:

**MODIFICACIÓN DA RELACIÓN DE POSTOS DE TRABALLO DA CONSELLERÍA DE VIVENDA
E PLANIFICACIÓN DE INFRAESTRUTURAS**

DATA:

FEBREIRO 2026



1. INTRODUCCIÓN

O Decreto 49/2024, do 22 de abril, polo que se fixa a estrutura orgánica das consellerías da Xunta de Galicia, aposta por converter a vivenda, a rexeneración urbana e a planificación do territorio en eixos fundamentais da acción política da Consellería de Vivenda e Planificación de Infraestruturas, en aras a impulsar e axilizar a tramitación dos procedementos previstos na normativa autonómica para favorecer a planificación territorial e o desenvolvemento e implantación das iniciativas en materia de vivenda.

Con este obxectivo, a través do Decreto 142/2024, do 20 de maio, polo que se establece a estrutura orgánica da Consellería de Vivenda e Planificación de Infraestruturas (DOG nº 101, do 27 de maio), este departamento dótese dunha Secretaría Xeral de Vivenda e Urbanismo, que será a encargada de desenvolver, promocionar e coordinar a política en materia de vivenda, rehabilitación, rexeneración urbana, habitabilidade, urbanismo e planificación territorial dentro da Comunidade Autónoma de Galicia como órgano superior.

Asemade, reorganízase a Dirección Xeral de Urbanismo como órgano de dirección, co fin de orientar a planificación do territorio ao impulso dos procedementos previstos pola normativa autonómica para favorecer a implantación das iniciativas en materia de vivenda.

Finalmente, tamén se adaptan os departamentos territoriais ás novas previsións organizativas reguladas no Decreto 49/2024, do 22 de abril.

Nos servizos periféricos, a disposición adicional décimo segunda do Decreto 49/2024, do 22 de abril, suprime as xefaturas territoriais existentes nas conselleiras, cuxas competencias e funcións pasan a ser asumidas polas Direccións Territoriais previstas no artigo 11 do Decreto 245/2009, do 30 de abril, polo que se regulan as delegacións territoriais da Xunta de Galicia, na redacción dada pola disposición derradeira primeira do Decreto 49/2024, do 22 de abril.

Coa finalidade de adecuar a vixente Relación de postos de traballo (RPT) aos cambios introducidos na estrutura orgánica da consellería polo Decreto 142/2024, do 20 de maio, por Resolución do 25 de febreiro de 2025 se ordena a publicación do Acordo do Consello da Xunta de Galicia do 24 de febreiro do 2025 polo que se aproba a modificación da relación de postos de traballo da Consellería de Vivenda e Planificación de Infraestruturas (DOG nº 44, do 5 de marzo).

Con data do 27 de xuño de 2025 publicase no DOG o Decreto 48/2025, do 16 de xuño, polo que se modifica o Decreto 142/2024, do 20 de maio, polo que se establece a estrutura orgánica da Consellería de Vivenda e Planificación de Infraestruturas, no que se acomete unha reorganización administrativa que reforza a estrutura coa que conta a Secretaría Xeral de Vivenda e Urbanismo para tramitar e xestionar os proxectos en materia de vivenda que se desenvolvan no marco da Estratexia galega de solo residencial, aprobada polo Consello da Xunta o 10 de xuño de 2024.



En definitiva, a nova estrutura orgánica da Consellería de Vivenda e Planificación de Infraestruturas pretende responder ao reto urxente de favorecer a planificación territorial e execución de vivenda protexida, ao tempo que procura unha maior eficacia e eficiencia no seu funcionamento.

A presente memoria ten por obxecto xustificar funcionalmente a necesidade de adecuar a RPT da Conselleira de Vivenda e Planificación de Infraestruturas ás novas necesidades organizativas e funcionais.

As modificacións introducidas na actual RPT son as que deseguido se detallan:

MODIFICACIÓNS DERIVADAS DA NECESIDADE DE ADECUACIÓN AO DECRETO 142/2024 DO 20 DE MAIO, POLO QUE SE ESTABECE A ESTRUCTURA ORGÁNICA DA CONSELLERÍA DE VIVENDA E PLANIFICACIÓN DE INFRAESTRUTURAS

1. SECRETARÍA XERAL DE VIVENDA E URBANISMO

1.1 CREACIÓNS

Como consecuencia da nova estrutura orgánica da Consellería de Vivenda e Planificación de Infraestruturas aprobada polo Decreto 142/2024 do 20 de maio, creouse a Secretaría Xeral de Vivenda e Urbanismo que exercerá a coordinación das competencias e funcións en materia de vivenda, rehabilitación, rexeneración urbana, habitabilidade, urbanismo e planificación territorial.

A creación desta secretaría xeral leva consigo a creación do posto de Secretario/a do Secretario Xeral de Vivenda e Urbanismo coas seguintes características;

POSTOS CREADOS							
Código do posto	Centro de destino	Denominación	Nivel	Forma de provisión	Subgrupo	Corpo/escala	Ads.Adm P
IV3010000115770002	Secretaría Xeral de Vivenda e Urbanismo	Secretario/a do Secretario Xeral	18	LD	C1-C2	XERAL	A11

MODIFICACIÓNS DERIVADAS DA NECESIDADE DE ADECUACIÓN AO DECRETO 48/2025, DO 16 DE XUÑO, POLO QUE SE MODIFICA O DECRETO 142/2024 DO 20 DE MAIO, POLO QUE SE ESTABECE A ESTRUCTURA ORGÁNICA DA CONSELLERÍA DE VIVENDA E PLANIFICACIÓN DE INFRAESTRUTURAS

1. SECRETARÍA XERAL DE VIVENDA E URBANISMO

1.1 CREACIÓNS

No Decreto 142/2024, creouse a **Subdirección Xeral de Coordinación e Planificación**, baixo a dependencia xerárquica da persoa titular da Secretaria Xeral de Vivenda e Urbanismo, á que lle corresponden, entre outras, ademais das funcións de estudo, impulso e elaboración de



propostas normativas, plans e programas dentro do ámbito de competencia desta Secretaría Xeral, a elaboración dos informes respecto dos instrumentos de ordenación do territorio, que se formulen por iniciativa da consellería relativas ao desenvolvemento de solo residencial e á implantación de vivenda, así como o impulso da cooperación, especialmente coas administracións locais, co fin de promover o desenvolvemento de políticas comúns, debidamente coordinadas e programadas, que aseguren o cumprimento dos fins de protección, xestión, planificación do territorio e promoción da vivenda.

Co fin de reforzar a prioridade da política de vivenda e dotar dos medios necesarios á Secretaría Xeral de Vivenda e Urbanismo, na súa xestión dos instrumentos de ordenación necesarios para a implantación de vivenda pública protexida, adscribiuse á Subdirección Xeral de Planificación e Coordinación da Secretaria Xeral de Vivenda e Urbanismo o **Servizo de Apoio Técnico**.

A experiencia no desenvolvemento das competencias atribuídas á Subdirección de Coordinación e Planificación, aconsellou reforzar esta área de actividade, coa creación dunha nova **xefatura de Servizo de Coordinación Administrativa**, co obxectivo de acadar o compromiso de abordar a primeira fase da Estratexia Galega de Solo Residencial, aprobada polo Consello da Xunta o 10 de xuño de 2024, que prevé desenvolver solo residencial para un total de 20.000 vivendas protexidas, para o que, ao longo dos período 2025-2028, deberán de realizarse as tarefas de planificación, adquisición de solo, redacción de proxectos e os acordos con concellos.

O incremento constante na asunción de tarefas vinculadas á Subdirección Xeral de Coordinación e Planificación e a necesidade de dotar dunha maior axilidade na tramitación dos procedementos vinculados ao ámbito competencial da vivenda, xustificaron a creación polo Decreto 48/2025 da **Xefatura de Servizo de Coordinación Administrativa**, posto cuxas características se reflicten a continuación:

POSTOS CREADOS							
Código do posto	Centro de destino	Denominación	Nivel	Forma de provisión	Subgrupo	Corpo/escala	Ads. Adm P
IV3010000115770030	Secretaría de Vivenda e Urbanismo	Xefatura de Servizo de Coordinación Administrativa	28	CE	A1 - A2	XERAL	AXG

Para dar apoio administrativo e de xestión na actividade do Servizo de Coordinación Administrativa prevese a creación dunha **Xefatura de sección**, cuxas características se reflicten a continuación:

POSTOS CREADOS							
Código do posto	Centro de destino	Denominación	Nivel	Forma de provisión	Subgrupo	Corpo/escala	Ads. Adm P
IV3010000115770031	Secretaría de Vivenda e Urbanismo	Xefatura de Sección de Coordinación	25	C	A1-A2-C1	XERAL	AXG

Os créditos para o financiamento das modificacións con incidencia económica que se derivan do Decreto 48/2025 do 16 de xuño, polo que se modifica o Decreto 142/2024 do 20 de maio, así



como a creación do posto “Xefatura de Sección de coordinación” dotaranse pola Consellería de Facenda e Administración Pública.

2. OUTRAS MODIFICACIÓNS

2.1 CREACIÓNS

2.1.1 SECRETARÍA XERAL TÉCNICA

a) Prevese a creación do posto de Axudante de Administración, configurado como un posto con funcións de carácter administrativo e de xestión, co obxectivo de dar apoio nas tarefas que corresponden ao persoal directivo e coordinar o intercambio de información coas subdireccións que forman parte da estrutura da Secretaría Xeral Técnica.

O posto configúrase como a continuación se indica:

POSTOS CREADOS							
Código do posto	Centro de destino	Denominación	Nivel	Forma de provisión	Subgrupo	Corpo/escala	Ads. Adm P
I.V. 201. 00. 000. 15770. 070	Secretaría Xeral Técnica	Axudante de Administración	16	C	C1-C2	XERAL	AXG

b) Para o exercicio das súas competencias a Secretaría Xeral Técnica conta, entre outros órganos coa Subdirección Xeral de Réxime Xurídico-Administrativo.

De conformidade co **artigo 9 do Decreto 142/2024** do 20 de maio, a Subdirección Xeral de Réxime Xurídico-Administrativo exercerá as seguintes funcións:

- A coordinación, para a súa remisión e ulterior publicación no Diario Oficial de Galicia, das disposicións e actos administrativos ditados polos órganos da Consellería, así como as súas entidades instrumentais e órganos colexiados.
- O estudo, tramitación e proposta de resolución de reclamacións, recursos e requirimentos formulados contra os actos e resolucións ditados polos distintos órganos da Consellería, cando non estean atribuídos a outros órganos desta.
- A tramitación dos requirimentos e peticións formuladas á Consellería polos xulgados, tribunais, a persoa titular das institucións do Defensor do Pobo, Valedor do Pobo e outros órganos e institucións.
- A coordinación, mediante a elaboración de instrucións, protocolos de actuación ou calquera outro instrumento que se considere axeitado, coas unidades da Consellería que desenvolvan funcións xurídico-administrativas.
- Coordinación das actuacións da Consellería en relación coas fundacións de interese galego sobre as cales esta exerza o protectorado, levando, para ese efecto, os libros de rexistro.
- A redacción de propostas de resolución de expedientes sancionadores e de reposición das cousas ao seu estado anterior, de ser o caso, por comisión de infraccións tipificadas como leves, graves e moi graves na normativa de estradas.
- A instrución, tramitación e redacción de propostas de resolución dos expedientes de responsabilidade patrimonial.





h) A asistencia e apoio xurídico nas diferentes materias que sexan competencia da Consellería aos órganos e entidades dependentes desta.

i) E, en xeral, prestarlle asistencia e xestionar cantos asuntos lle sexan encomendados por razón da súa competencia pola persoa titular da Secretaría Xeral Técnica.

Debido ao gran volume de recursos administrativos a tramitar por esta consellería logo do traspaso das competencias e funcións a esta en materia de vivenda e urbanismo, que se suma á carga de traballo habitual, estímase que é preciso dotar a Subdirección de Réxime Xurídico Administrativo dunha nova xefatura de sección que permita unha mellor e máis eficaz distribución da carga de traballo na unidade, na consecución do obxectivo de axilizar a tramitación de tódolos expedientes nos prazos legalmente establecidos.

Á vista do exposto, propónse a creación dunha nova praza na relación de postos de traballo na Subdirección de Réxime Xurídico e Administrativo, na Secretaría Xeral Técnica da Consellería de Vivenda e Planificación de Infraestruturas que atenda ás seguintes características:

POSTOS CREADOS								
Código do posto	Centro de destino	Denominación	Nivel	Forma de provisión	Subgrupo	Corpo/escala	Ads.Adm P	Area Funcional
IV2010000315770055	Subdirección Xeral de Réxime Xurídico e administrativo	Xefatura de Sección de tramitación IV	25	C	A1-A2-C1	XERAL	AXG	XUR

2.1.2 XURADO DE EXPROPIACIÓN DE GALICIA

O Xurado de Expropiación de Galicia (XEG) foi creado pola Lei 9/2002, do 30 de decembro, de ordenación urbanística e protección do medio rural de Galicia (LOUG) que o identifica como o órgano colexiado permanente da Comunidade Autónoma de Galicia especializado nos procedementos para a fixación do prezo xusto na expropiación forzosa, cando a administración expropiante sexa a comunidade autónoma ou as entidades locais do seu ámbito territorial, actuando no cumprimento das súas funcións con plena autonomía funcional. Esta mesma consideración mantense no artigo 11 da lei actualmente vixente, Lei 2/2016, do 10 de febreiro, do solo de Galicia, que derroga e substitúe a anterior.

O desenvolvemento normativo regulamentario contense no Decreto 172/2018, do 20 de decembro, polo que se aproba o Regulamento de organización e réxime de funcionamento do Xurado de Expropiación de Galicia que, entre outros aspectos, establece nos seus artigos 1 e 2, a natureza e funcións deste órgano.

O importante volume de traballo do XEG e a necesidade de axilizar os trámites de carácter administrativo e de xestión dos procedementos expropiatorios fan necesario dotalo dun posto que de apoio administrativo á Secretaría Xeral do Xurado.

O posto a crear configúrase do seguinte xeito:

POSTOS CREADOS							
Código do posto	Centro de destino	Denominación	Nivel	Forma de provisión	Subgrupo	Corpo/escala	Ads.Adm P
IV4010000015770041	Xurado de Expropiación de Galicia	Xefatura de Sección de Actuación Administrativa	25	C	A1-A2-C1	XERAL	AXG

2.1.3 DEPARTAMENTOS TERRITORIAIS





Logo da modificación operada pola disposición adicional décimo segunda do Decreto 49/2024, do 22 de abril, polo que se fixa a estrutura orgánica das consellerías da Xunta de Galicia, que suprime as xefaturas territoriais existentes nas conselleiras, cuxas competencias e funcións pasan a ser asumidas polas Direccións Territoriais faise necesario introducir modificacións nas RPTs das citadas direccións territoriais co fin de adaptar determinados postos á nova estrutura organizativa e acadar unha maior racionalidade e eficacia no desenvolvemento das tarefas encomendadas

DEPARTAMENTO TERRITORIAL DE LUGO

Prevese a creación de dúas Xefaturas de negociado, subgrupos A2,C1,C2 (nivel 18) e unha Xefatura de grupo, subgrupos C1-C2 (nivel 14), coas características que se detallan a continuación:

POSTOS CREADOS							
Código do posto	Centro de destino	Denominación	Nivel	Forma de provisión	Subgrupo	Corpo/escala	Ads.Adm P
IVC991000027001097	Departamento Territorial de Lugo	Xefatura de Negociado I	18	C	A2-C1-C2	XERAL	AXG
IVC991000027001098	Departamento Territorial de Lugo	Xefatura de Negociado II	18	C	A2-C1-C2	XERAL	AXG
IVC991000027001103	Departamento Territorial de Lugo	Xefatura de Grupo	14	C	C1-C2	XERAL	AXG

No Departamento Territorial de Lugo existen diversos postos vacantes do grupo C2, que obrigaron a unha redistribución de funcións entre os efectivos existentes, o que deixa patente a necesidade de reconfigurar os postos cunha maior cualificación e responsabilidade, e abertos funcionalmente a varios subgrupos, facilitando a súa cobertura e a permanencia do persoal.

DEPARTAMENTO TERRITORIAL DE OURENSE

No Departamento territorial de Ourense propónse a creación de tres Xefaturas de negociado, subgrupos A2,C1,C2 (nivel 18) e unha Xefatura de grupo, subgrupos C1-C2 (nivel 14) cuxas características se reflicten a continuación:

POSTOS CREADOS							
Código do posto	Centro de destino	Denominación	Nivel	Forma de provisión	Subgrupo	Corpo/escala	Ads.Adm P
IVC991000032001085	Departamento Territorial de Ourense	Xefatura de Negociado III	18	C	A2-C1-C2	XERAL	AXG
IVC991000032001086	Departamento Territorial de Ourense	Xefatura de Negociado IV	18	C	A2-C1-C2	XERAL	AXG
IVC991000032001087	Departamento Territorial de Ourense	Xefatura de Negociado V	18	C	A2-C1-C2	XERAL	AXG
IVC991000032001033	Departamento Territorial de Ourense	Xefatura de Grupo II	14	C	C1-C2	XERAL	AXG

A modificación que se propón xorde fundamentalmente como consecuencia da necesidade de aumento do persoal en consonancia as necesidades e as circunstancias actuais do Departamento Territorial, na procura de optimizar os recursos humanos e promover o máximo nivel de calidade na prestación dos servizos públicos, tomando como referencia o disposto no artigo 38 da Lei 2/2015, do emprego público de Galicia e no artigo 69 do texto refundido da Lei do Estatuto Básico do Empregado Público aprobado polo Real decreto legislativo 5/2015, do 30 de outubro, que especifica que "a planificación dos recursos humanos nas Administracións Públicas terá como obxectivo contribuír á consecución da eficacia na prestación dos servizos e da eficiencia na utilización dos recursos económicos dispoñibles mediante a dimensión axeitada dos seus efectivos, a súa mellor distribución, formación, promoción profesional e mobilidade"





DEPARTAMENTO TERRITORIAL DE PONTEVEDRA

No Departamento Territorial de Pontevedra solicítase a creación dunha Xefatura de sección coas características que se reflicten a continuación:

POSTOS CREADOS								
Código do posto	Centro de destino	Denominación	Nivel	Forma de provisión	Subgrupo	Corpo/escala	Ads.Adm P	Area Funcional
IVC991000036001075	Departamento Territorial de Pontevedra	Xefatura de Sección Xestión Económica e Habilitación	25	C	A1-A2-C1	XERAL	AXG	ECO

A necesidade da creación deste posto xurde das necesidades de dotar ao Departamento territorial dun posto que desenvolva as tarefas de elaboración de nóminas, trámites coa seguridade social e xestión de persoal, así como tramitación de pagos de expropiacións.

2.2 AMORTIZACIÓNS

Os postos cuxa creación se promove nesta modificación da RPT fináncianse con cargo ás dotacións económicas dos postos vacantes cuxa cobertura non resulta necesaria para o desenvolvemento das competencias da Consellería:

POSTOS AMORTIZADOS:					
Código do posto	Centro de destino	Denominación	Nivel	Subgrupo	Corpo
IV.C02.00.003.15770.005	Secretaría Xeral Técnica	Secretario/a do/a Subdirector Xeral	16	C1-C2	XERAL
IV.C02.00.003.15770.054	Secretaría Xeral Técnica	Subalterno/a	10	AP	XERAL
IV.C99.10.000.27001.042	Departamento territorial de Lugo	Posto base Subgrupo C2	12	C2	XERAL
IV.C99.10.000.27001.045	Departamento territorial de Lugo	Posto base Subgrupo C2	12	C2	XERAL
IV.C99.10.000.27001.047	Departamento territorial de Lugo	Posto base Subgrupo C2	12	C2	XERAL
IV.C99.10.000.27001.048	Departamento territorial de Lugo	Posto base Subgrupo C2	12	C2	XERAL
IV.C99.10.000.32001.041	Departamento territorial de Ourense	Posto base Subgrupo C2	12	C2	XERAL
IV.C99.10.000.32001.042	Departamento territorial de Ourense	Posto base Subgrupo C2	12	C2	XERAL
IV.C99.10.000.32001.048	Departamento territorial de Ourense	Posto base Subgrupo C2	12	C2	XERAL
IV.C99.10.000.32001.051	Departamento territorial de Ourense	Posto base Subgrupo C2	12	C2	XERAL
IV.C99.10.000.32001.250	Departamento territorial de Ourense	Limpador/a	10	AP	XELC
IV.C99.10.000.36001.030	Departamento territorial de Pontevedra	Posto base Subgrupo C1	14	C1	XERAL
IV.C99.10.000.36001.040	Departamento territorial de Pontevedra	Posto base Subgrupo C2	12	C2	XERAL
IV.C99.10.000.36001.043	Departamento territorial de Pontevedra	Posto base Subgrupo C2	12	C2	XERAL
IV.C99.10.000.36001.044	Departamento territorial de Pontevedra	Posto base Subgrupo C2	12	C2	XERAL
IV.C99.10.000.36001.082	Departamento territorial de Pontevedra	Habilitado/a	20	A2-C1-C2	XERAL

En relación á amortización de postos Base C2 (nivel 12), sinalar que se trata de postos vacantes e a súa amortización responde á problemática que presenta a cobertura temporal mediante comisión de servizos de postos deste nivel, de xeito que a ocupación destes postos ten, con carácter xeral, unha escasa duración.

Respecto á amortización do posto con código IV.C99.10.000.36001.082 (Habilitado/a). A persoa titular do posto (M^a de Mar González Rodríguez) manifesta a súa conformidade coa amortización do posto.

En relación ao posto de limpador/a que se propón amortizar, o Departamento territorial de Ourense comunica non está prevista a súa cobertura dado que o Departamento territorial está adherido ao contrato centralizado do servizo de limpeza dos edificios administrativos da Xunta.



Na Secretaría xeral Técnica amortízanse dous postos:

- Secretario/a do /a Subdirector/a xeral, posto vacante
- Posto de Subalterno, ocupado por Raúl Pardo González. Na actualidade atópase na situación administrativa de adscrición provisional nun posto con código 00 no Servizo provincial de AXI en A Coruña. Esta persoa accedeu pola quenda de discapacitados intelectual e con data do 5 de xuño de 2025 solicitou a adscrición a un posto na súa localidade de residencia. Dita adscrición autorizouse pola Dirección Xeral de Emprego Público e Administración de Persoal.

Cóntase coa conformidade de amortización do posto polo seu titular.

2.3 MODIFICACIÓNS VARIAS

2.3.1 CAMBIOS DE DENOMINACIÓN

O Xurado de Expropiación de Galicia solicita a modificación da denominación das prazas dos valoradores, que corresponden a tres (3) prazas que conforman unha unidade homoxénea de distintos profesionais que se encargan de facer as valoracións dos expedientes, polo que se propoñen cambios nas denominacións das prazas e dos requisitos de titulación.

Denominacións: 2 prazas pasan a denominarse Xefaturas de Unidade Técnica (I e II) e 1 praza Xefatura de Sección Técnica

Titulacións: Homoxenézanse as titulacións de dúas prazas IV.C04.00.000.15770.005 e IV.C04.00.000.15770.042 (Nivel 26): Arquitecto, Enxeñeiro Agrónomo, Enxeñeiro de Montes, Enxeñeiro Camiños, Canais e Portos, Arquitecto Técnico, Enxeñeiro Técnico Agrícola, Enxeñeiro Técnico Forestal.

Para a praza IV.C04.00.000.15770.046 (Nivel 25) as titulacións esixidas son: Arquitecto Técnico, Enxeñeiro Técnico Agrícola, Enxeñeiro Técnico Forestal.

As prazas quedan configuradas nos seguintes termos:

XURADO EXPROPIACIÓN DE GALICIA								
Cód. Posto	Denominación Actual	Novo Cód. Posto	Nova denominación	Nivel	Forma Prov	Subgrupo	Corpo/escala	Adscr. Adm
IV.C04.00.000.15770.005	ARQUITECTO/A-ENXEÑEIRO/A DE FUNCIÓNS FACULTATIVAS	IV.401.00.000.15770.005	XEFATURA UNIDADE TÉCNICA I	26	C	A1 - A2	ESA/ESE1/ESE2/ESE5/EMA/EME3/EME4	AXG
IV.C04.00.000.15770.042	XEFATURA UNIDADE TÉCNICA	IV.401.00.000.15770.042	XEFATURA UNIDADE TÉCNICA II	26	C	A1 - A2	ESA/ESE1/ESE2/ESE5/EMA/EME3/EME4	AXG
IV.C04.00.000.15770.046	XEFATURA SECCIÓN TÉCNICA	IV.401.00.000.15770.046	XEFATURA SECCIÓN TÉCNICA	25	C	A2	EMA/EME3/EME4	AXG

ESA: ESPECIAL (ESCALA ARQUITECTOS)

ESE1: ESPECIAL (ESC. ENXEÑEIRO - ESP. ENX. CAMIÑOS , CANAIS E PORTOS)

ESE2: ESPECIAL (ESC. ENXEÑEIRO - ESP. ENX. AGRONÓMA)

ESE5: ESPECIAL (ESC. ENXEÑEIRO - ESP. ENX. DE MONTES)



EMA: ESPECIAL (ESC. ARQUITECTOS TÉCNICOS)

EME3: ESPECIAL (ESC. ENXEÑEIROS TÉCNICOS - ESP. ENX. TÉCNICA FORESTAL)

EME4: ESPECIAL (ESC. ENXEÑEIROS TÉCNICOS - ESP. ENX. TÉCNICA AGRÍCOLA)

2.3.2. RECODIFICACIÓN POSTOS

Por RESOLUCIÓN do 25 de febreiro de 2025 pola que se ordena a publicación do Acordo do Consello da Xunta de Galicia, do 24 de febreiro de 2025, (DOG núm. 44 do 05.03.2025) aprobouse a modificación da relación de postos de traballo da Consellería de Vivenda e Planificación de Infraestruturas. Esta modificación xustifícase pola necesidade de adaptala aos cambios introducidos polo Decreto 142/2024, do 20 de maio e, entre outros aspectos, contempla unha modificación dos códigos de diversos postos da Consellería.

Por este motivo, e coa finalidade de homoxeneizar a codificación de todos os postos das distintas unidades administrativas, propónse a adaptación e modificación dos códigos dos postos de acordo co que se recolle no anexo de equivalencias.

2.3.3 DESLOCALIZACIÓN POSTO ASESOR/A XURÍDICO/A DO XURADO DE EXPROPIACIÓN DE GALICIA

O posto de Asesor/a Xurídico/a do Xurado de Expropiación de Galicia permanecerá adscrito a dito órgano. Non obstante, na medida en que ten atribuída a prestación de funcións que non esixen a súa presenza nunha localidade concreta, e tendo en conta que a meirande parte das actuacións contenciosas se desenvolven perante o Tribunal Superior de Xustiza de Galicia, que ten a súa sede na cidade de A Coruña, é polo que o citado posto resulta ser susceptible de deslocalización, de tal xeito que a persoa que o ocupe poderá solicitar a prestación dos seus servizos de forma presencial entre as dependencias físicas do Xurado de Expropiación de Galicia en Santiago de Compostela e outras dependencias asignadas á Asesoría Xurídica Xeral na cidade da Coruña.

De conformidade co anterior o posto quedaría configurado como se indica a continuación:

RPT ACTUAL								Observ.
Código de posto	Centro de destino	Denominación	Nivel	Subgrup	Corpo/Escala	Ads. Adm.	Forma prov	
IV.C04.00.000.15770.025	XURADO DE EXPROPIACIÓN DE GALICIA	ASESOR/A XURÍDICO/A	30	A1	XSL	AXG	LD	
MODIFICACIÓN PROPOSTA								
IV.401.00.000.15770.025	XURADO DE EXPROPIACIÓN DE GALICIA	ASESOR/A XURÍDICO/A	30	A1	XSL	AXG	LD	

Susceptible de deslocalización. Dependencias asignadas a AXX noutras localidades da C.A

2.3.4 COMPLEMENTO ESPECÍFICO POSTOS ASESOR/A XURÍDICO/A DA CONSELLERÍA DE VIVENDA E PLANIFICACIÓN DE INFRAESTRUTURAS

O apartado primeiro da disposición adicional décimo quinta da Lei 4/2024, do 27 de decembro, establece o seguinte:



"Atendendo a razóns de homologación retributiva, e tendo en conta as condicións particulares dos postos de traballo derivadas da súa especial dificultade técnica, dedicación e responsabilidade, os complementos específicos dos postos de traballo de nivel 30 de complemento de destino da escala de letrados e letradas da Xunta de Galicia, dependentes funcionalmente da Asesoría Xurídica Xeral, equipáranse economicamente aos complementos específicos dos postos de letrada e letrado de nivel 30 de complemento de destino previstos na relación de postos de traballo do Consello Consultivo de Galicia. Os complementos específicos dos postos de traballo da escala de letradas e letrados da Xunta de Galicia de nivel 28 experimentarán unha adecuación retributiva que garanta que as retribucións totais experimentarán unha variación igual en termos porcentuais á experimentada nas retribucións totais dos postos de nivel 30 da escala de letrados e letradas da Xunta de Galicia."

Procede, polo tanto, adaptar o complemento específico dos postos de letrado incluídos na relación de postos de traballo da Asesoría Xurídica da Consellería ao disposto na citada disposición adicional décimo quinta da Lei 4/2024, do 27 de decembro. En particular, o complemento específico dos postos de letrado de nivel 30 será de 30.193,94 euros tal e como se reflicte a continuación:

RPT ACTUAL					
Cód. Posto	Denominación	Nivel	Subgrupo	Corpo/Escala	Complemento específico
IV.C02.00.004.15770.001	ASESOR/A XURÍDICO/A	30	A1	XSL	25.159,68 €
IV.C04.00.000.15770.025	ASESOR/A XURÍDICO/A XURADO DE EXPROPIACIÓN DE GALICIA	30	A1	XSL	25.159,68 €
MODIFICACIÓN PROPOSTA					
Cód. Posto	Denominación	Nivel	Subgrupo	Corpo/Escala	Complemento específico
IV.201.00.004.15770.001	ASESOR/A XURÍDICO/A	30	A1	XSL	30.193,94 €
IV.401.00.000.15770.025	ASESOR/A XURÍDICO/A XURADO DE EXPROPIACIÓN DE GALICIA	30	A1	XSL	30.193,94 €

Santiago de Compostela, na data da sinatura electrónica

A Subdirectora Xeral de Persoal e Xestión Económica

Ana Pérez Pardo

CONFORME

O secretario xeral técnico

Yago Borrajo Sánchez





DOCUMENTO:

MEMORIA FUNCIONAL COMPLEMENTARIA

ACTUACIÓN:

**MODIFICACIÓN DA RELACIÓN DE POSTOS DE TRABALLO DA
CONSELLERÍA DE VIVENDA E PLANIFICACIÓN DE
INFRAESTRUTURAS**

DATA:

MARZO 2026



O 13.02.2026 enviouse á Dirección Xeral de Emprego Público e Administración de Persoal, a través da aplicación XESPER-RPT, a proposta de modificación da relación de postos de traballo da Consellería de Vivenda e Planificación de Infraestruturas. Con carácter previo, o día 05.02.2026 remitiuse á Dirección Xeral de Simplificación Administrativa, para os efectos de solicitar informe dese centro directivo.

Co obxecto de precisar e aclarar determinados aspectos contidos na memoria funcional da proposta enviada, remítese esta memoria funcional complementaria que pretende a revisión e modificación das características dos seguintes postos:

1. Posto de nova creación no Departamento Territorial de Pontevedra

POSTOS CREADOS								Area Funcional
Código do posto	Centro de destino	Denominación	Nivel	Forma de provisión	Subgrupo	Corpo/escala	Ads.Adm P	
IVC991000036001075	Departamento Territorial de Pontevedra	Xefatura de Sección Xestión Económica e Habilitación	25	C	A1-A2-C1	XERAL	AXG	ECO

De acordo co que se expón na memoria funcional, preténdese a creación deste posto para que desenvolva as tarefas de elaboración de nóminas, trámites coa seguridade social e xestión de persoal, así como tramitación de pagos de expropiacións.

Obsérvase que resulta mais adecuado encadrar este posto na área funcional de persoal, tendo en conta as funcións que se prevé asignarlle, polo que se modifica a proposta de acordo co seguinte:

POSTOS CREADOS								Area Funcional
Código do posto	Centro de destino	Denominación	Nivel	Forma de provisión	Subgrupo	Corpo/escala	Ads.Adm P	
IVC991000036001075	Departamento Territorial de Pontevedra	Xefatura de Sección Xestión Económica e Habilitación	25	CE	A1-A2-C1	XERAL	AXG	PER

Esta modificación da lugar ao establecemento do complemento específico diferencial previsto para os postos de “habilitado de persoal”, en aplicación do establecido no Acordo do Consello da Xunta de Galicia do 30 de decembro de 2008.

2. Postos no Xurado de Expropiación de Galicia

Respecto das modificacións propostas nas prazas dos valoradores (3 postos) do Xurado de Expropiación de Galicia, resulta preciso realizar os seguintes cambios e aclaracións na proposta:

- 2.1 Amortización do posto IV.C04.00.000.15770.005-Arquitecto/a-Enxeñeiro/a de funcións facultativas
- 2.2 Creación do posto IV.401.00.000.15770.005-Xefatura unidade técnica I, coas seguintes características:



Cód. Posto	Nova denominación	Nivel	Forma Prov	Subgrupo	Corpo/escala	Adscr. Adm
IV.401.00.000.15770.005	XEFATURA UNIDADE TÉCNICA I	26	C	A1-A2	ESA/ESE1/ESE2/ESE5/EMA/EME3/EME4	AXG

Este posto créase co carácter de xefatura de unidade técnica e coas mesmas características que o posto IV.C04.00.000.15770.042, ao que se fai referencia a continuación.

2.3 Modificacións no posto IV.C04.00.000.15770.042

Na RPT vixente, este posto aparece configurado coa denominación "Xefatura unidade técnica" e non está aberto á titulación de Enxeñaría de Camiños, Canles e Portos.

O 05.01.2026 recibíuse un escrito do Colexio de Enxeñeiros de Camiños, Canles e Portos no que solicita que se inclúa o corpo/escala ESE1 (Enxeñaría de Camiños, Canles e Portos) nas características do posto.

Argumentase a solicitude na sentenza nº 00728/2025, do 03.12.2025 do Tribunal Superior de Xustiza de Galicia, que estima o recurso contencioso-administrativo interposto pola representación do Colexio de Enxeñeiros de Camiños, Canles e Portos contra a desestimación por silencio administrativo do recurso de reposición que o Colexio formulou contra o Acordo do Consello da Xunta de Galicia de 11 de maio de 2023, polo que se aproba a modificación da RPT da Consellería de Infraestruturas e Mobilidade, anulando a desestimación por silencio administrativo negativo do Recurso de Reposición e anulando a referida modificación da RPT respecto do posto IV. C04.00.000.15770.042 sobre a falta de inclusión da titulación de Enxeñeiro de Camiños, Canles e Portos entre as titulacións que permiten o acceso ao mesmo.

Polo exposto, propónse engadir nos corpos/escalas de adscrición o corpo/escala ESE1 (Enxeñaría de Camiños, Canles e Portos).

Ademais, tendo en conta a creación do posto IV.401.00.000.15770.005, como "Xefatura unidade técnica I" propónse modificar a denominación deste como "Xefatura unidade técnica II".

O posto quedaría configurado de acordo co seguinte:

Cód. Posto	Denominación Actual	Cód. Posto	Nova denominación	Nivel	Forma Prov	Subgrupo	Corpo/escala	Adscr. Adm
IV.C04.00.000.15770.042	XEFATURA UNIDADE TÉCNICA	IV.401.00.000.15770.042	XEFATURA UNIDADE TÉCNICA II	26	C	A1-A2	ESA/ESE1/ESE2/ESE5/EMA/EME3/EME4	AXG



2.4 Cambio de denominación do posto IV.C04.00.000.15770.046

Proponse modificar a denominación do posto que quedaría establecida de acordo co seguinte:

Cód. Posto	Denominación Actual	Cód. Posto	Nova denominación	Nivel	Forma Prov	Subgrupo	Corpo/escala	Adscr. Adm
IV.C04.00.000.15770.046	XEFATURA SECCIÓN TÉCNICA II	IV.401.00.000.15770.046	XEFATURA SECCIÓN TÉCNICA	25	C	A2	EMA/ EME3/ EME4	AXG

Santiago de Compostela, na data da sinatura electrónica

A subdirectora xeral de Persoal e Xestión Económica

Ana Pérez Pardo

CONFORME

O secretario xeral técnico
Yago Borrajo Sánchez

Asinado por: BORRAJO SANCHEZ, YAGO
Cargo: Secretario Xeral Técnico
Data e hora: 03/03/2026 09:02:34

Asinado por: PEREZ PARDO, ANA
Cargo: Subdirectora Xeral
Data e hora: 02/03/2026 15:10:47

As copias en papel deste documento teñen a condición de copia e serán verificables a través deste código:
CVE: 9j8GWxBliz7 <https://sede.xunta.gal/cve>





DOCUMENTO:

MEMORIA ECONÓMICA

ACTUACIÓN:

**MODIFICACIÓN DA RELACIÓN DE POSTOS DE TRABALLO DA
CONSELLERÍA DE VIVENDA E PLANIFICACIÓN DE INFRAESTRUTURAS**

DATA:

FEBREIRO 2026



As principais modificacións de contido económico recollidas na proposta de modificación da Relación de Postos de Traballo da Consellería de Vivenda e Planificación de Infraestruturas detállanse a continuación.

1 CREACIÓNS

Na proposta de modificación da relación de postos de traballo créanse os seguintes postos co seguinte custo:

Denominación	Grupo	Nivel	Ef.	Total retrib.	IPC Galego	Total	S.Social	Total + SS
Xefatura de servizo de Coordinación Administrativa	A1-A2	28	1	0,00	0,00	0,00	0,00	0,00
Xefatura de sección de Coordinación	A1-A2-C1	25	1	0,00	0,00	0,00	0,00	0,00
Secretario/a do secretario xeral de Vivenda e Urbanismo	C1-C2	18	1	0,00	0,00	0,00	0,00	0,00
Axudante de administración	C1	16	1	26.317,92	99,59	26.417,51	7.925,25	34.342,76
Xefatura de sección A (SXT)	A1	25	1	43.936,42	166,26	44.102,68	13.230,80	57.333,48
Xefatura de sección A (SXT)	A1	25	1	43.936,42	166,26	44.102,68	13.230,80	57.333,48
Xefatura de sección Xestión Económica e Habilitación	A1	25	1	45.019,74	170,35	45.190,09	13.557,03	58.747,12
Xefatura de negociado A (Lugo)	A2	18	2	31.122,78	117,77	62.481,10	18.744,33	81.225,43
Xefatura de negociado A (Ourense)	A2	18	3	31.122,78	117,77	93.721,65	28.116,49	121.838,14
Xefatura de grupo (Ourense)	C1	14	1	25.180,70	95,28	25.275,98	7.582,80	32.858,78
Xefatura de grupo (Lugo)	C1	14	1	25.180,70	95,28	25.275,98	7.582,80	32.858,78
Total creacións			14	271.817,46	1.028,56	366.567,66	109.970,30	476.537,96

Como consecuencia do Decreto 142/2024, do 20 de maio, polo que se establece a estrutura orgánica da Consellería de Vivenda e Planificación de Infraestruturas, creouse a Secretaría Xeral de Vivenda e Urbanismo que leva consigo a creación do posto de **Secretario/a do Secretario Xeral de Vivenda e Urbanismo**.

Neste mesmo Decreto 142/2024 creouse a Subdirección Xeral de Coordinación e Planificación, baixo a dependencia xerárquica da persoa titular da Secretaría Xeral de Vivenda e Urbanismo.

O incremento constante na asunción de tarefas vinculadas á citada Subdirección, así como a necesidade de dotar dunha maior axilidade na tramitación dos procedementos, xustifica a creación da Xefatura de Servizo de Coordinación Administrativa, polo Decreto 48/2025 do 16 de xuño, que modifica o Decreto 142/2024.

Para dar apoio administrativo e de xestión na actividade deste Servizo de Coordinación Administrativa prevese a creación dunha Xefatura de sección.

Os créditos para o financiamento das modificacións con incidencia económica que derivan do Decreto 48/2025 do 16 de xuño, polo que se modifica o Decreto 142/2024 do 20 de maio, así como a creación do posto "Xefatura de Sección de coordinación" dotaranse pola Consellería de Facenda e Administración Pública.





2. AMORTIZACIÓNS

Para o financiamento das creacións propostas, amortízanse os seguintes postos, co seguinte custo:

Denominación	Grupo	Nível	Ef.	Total retrib.	IPC Galego	Total	S.Social	Total + SS
Secretario subdirector/a xeral (SXT)	C1	16	1	26.317,92	99,59	26.417,51	7.925,25	34.342,76
Subalterno	AP	10	1	20.515,88	77,63	20.593,51	6.178,05	26.771,56
Posto base subgrupo C2 (Lugo)	C2	12	4	22.159,12	83,85	88.971,88	26.691,56	115.663,44
Posto base subgrupo C2 (Ourense)	C2	12	4	22.159,12	83,85	88.971,88	26.691,56	115.663,44
Limpador/a	AP	10	1	20.515,88	77,63	20.593,51	6.178,05	26.771,56
Habilitado/a	C1	20	1	30.025,54	113,62	30.139,16	9.041,75	39.180,91
Posto base subgrupo C2 (Lugo)	C2	12	3	22.159,12	83,85	66.728,91	20.018,67	86.747,58
Posto base subgrupo C1 (Lugo)	C1	14	1	25.180,70	95,28	25.275,98	7.582,80	32.858,78
Total amortizacións			16	189.033,28	715,30	367.692,34	110.307,69	478.000,03

Os créditos derivados da amortización destes postos están consignados no Capítulo I dos orzamentos de gasto da Consellería de Vivenda e Planificación de Infraestruturas.

En consecuencia, existe crédito axeitado e suficiente, para o financiamento das modificación con incidencia económica recollidas na proposta de modificación da RPT da Consellería de Vivenda a Planificación de Infraestruturas.

En Santiago de Compostela, na data da sinatura electrónica

A Subdirectora de Persoal e Xestión Económica

Ana Pérez Pardo

CONFORME

O Secretario Xeral Técnico

Yago Borrajo Sánchez

